

**BOSNA I HERCEGOVINA
FEDERACIJA BOSNA I HERCEGOVINE
ZENIČKO-DOBOJSKI KANTON
GRAD ZENICA
GRADSKO VIJEĆE**

PRIJEDLOG

**Obradivač:
Služba za vodoprivredu,
putnu infrastrukturu i
mjesne zajednice**

**O D L U K A
o raspisivanju izbora za savjete mjesnih zajednica**

Zenica, avgust, 2025. godine

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZENICA
GRADSKO VIJEĆE

Na osnovu odredaba člana 21. i 68. Statuta Grada Zenica (" Službene novine Grada Zenica", broj 5/15) Gradsko vijeće na ____sjednici održanoj dana____, donijelo je:

O D L U K U

O R A S P I S I V A N J U I Z B O R A Z A S A V J E T E M J E S N I H Z A J E D N I C A

I – Opće odredbe

Član 1.

Raspisuju se izbori za članove savjeta mjesnih zajednica (u daljem tekstu: MZ) na području Grada Zenica.

Članove savjeta MZ biraju građani s područja MZ koji su upisani u izvod iz Centralnog biračkog spiska (u daljem tekstu: CBS) za tu MZ, odnosno građani koji imaju prebivalište na području te MZ, neposredno tajnim glasanjem.

Kandidati za članove savjeta mogu biti građani koji imaju prebivalište na području MZ za čiji savjet se predlažu.

Gramatička terminologija u pogledu korištenja muškog ili ženskog roda za pojmove u ovoj Odluci uključuje oba roda.

II – Broj članova savjeta

Član 2.

U mjesnim zajednicama građani će birati broj članova savjeta shodno odredbi člana 72. Statuta Grada Zenice kojom je propisano da savjeti MZ imaju od pet do jedanaest članova zavisno od broja stanovnika u MZ.

III - Način provođenja izbora

Član 3.

Građani s područja MZ iz člana 1. koji imaju biračko pravo će birati članove savjeta neposrednim tajnim glasanjem.

IV-Komisija za provođenje izbora

Član 4.

Gradsko vijeće Grada Zenica imenovati će Komisiju za provođenje izbora za savjete mjesnih zajednica u Gradu Zenica (u daljem tekstu: Komisija) koja se sastoji od 5 članova.

Komisija će za potrebe provođenja izbora koristiti pečat Gradskog vijeća Grada Zenica.

Komisija će Gradskom vijeću podnijeti izvještaj o provedenim izborima.

Komisija ima pravo na naknadu za rad čija će se visina utvrditi posebnim aktom Gradonačelnika.

V – Mjesto i vrijeme održavanja izbora

Član 5.

Izbori za članove savjeta MZ će se održati najkasnije do 01.11.2025.

Mjesto i vrijeme održavanja izbora odredit će Komisija u saradnji sa predstavnicima MZ, s tim da to mogu biti prostorije MZ, škole ili druge pogodne prostorije.

Mjesto i vrijeme održavanja izbora objavljuje se putem lokalnih medija, web stranici Grada i na oglasnim pločama u MZ-a.

Mjesto i vrijeme održavanja izbora će se objaviti najkasnije u roku od 10 dana prije održavanja izbora.

VI – Odbori za provođenje izbora

Član 6.

Komisija će imenovati odbore za provođenje izbora (u daljem tekstu: odbor).

Odbor ima tri do pet članova u zavisnosti od broja članova savjeta MZ, s tim da će članovi odbora biti sastavljeni iz reda uposlenika Gradske uprave, vijećnika i građana s područja mjesne zajednice u kojoj se provode izbori.

Članove odbora imenuje Komisija.

Administrativno – tehničke poslove u provođenju izbora obavlja Služba nadležna za poslove mjesnih zajednica.

Član 7.

Odbori za provođenje izbora neposredno rukovode glasanjem, osiguravaju pravilnost glasanja i evidentiraju rezultate glasanja za izbor članova savjeta MZ.

Članovi odbora ne mogu biti kandidati na listi za članove savjeta.

Članovi odbora imaju pravo na naknadu za rad čija će se visina utvrditi posebnim aktom Gradonačelnika.

VII – Podnošenje prijedloga

Član 8.

Prijedlog kandidata za članove savjeta MZ (u daljem tekstu: kandidatska lista) mogu podnijeti: građani, političke stranke, druge organizacije i udruženja koja djeluju na području MZ, vodeći računa da predloženi kandidati imaju prebivalište na području MZ-e.

Član 9.

Kandidatska lista mora sadržavati: naziv predlagača, redni broj, prezime i ime kandidata i ovjeren potpis predlagača.

Ako su građani predlagači, kandidatska lista pored podataka iz prethodnog stave mora sadržavati prezime, ime i JMB svih predloženih građana.

Prilikom predlaganja kandidata za članove savjeta mjesnih zajednica mora se voditi računa da sastav kandidatske liste odražava približno nacionalnu strukturu, da spolovi budu ravnopravno zastupljeni i da su zastupljena sva mjesna područja, odnosno naseljena mjesta mjesne zajednice.

Član 10.

Prijedlog kandidatske liste za članove savjeta MZ dostavlja se u pisanoj formi putem protokola Komisiji u roku od 15 dana od dana raspisivanja izbora. Uz kandidatsku listu dostavljaju se i pisane izjave kandidata o prihvatanju kandidature.

Kandidatske liste se provjeravaju putem Centra za birački spisak, odnosno vrši se provjera upisa kandidata u izvod iz CBS za tu MZ.

Član 11.

Komisija utvrđuje konačnu listu prijedloga za svaku mjesnu zajednicu najkasnije u roku od 10 dana prije održavanja izbora, kao i izgled i sadržaj glasačkih listića.

Ukoliko predloženi kandidat nije upisan u izvod iz Centralnog biračkog spiska za područje MZ za koju je predložen, neće biti uvršten na konačnu kandidatsku listu.

Član 12.

Predlagači kandidata mogu predložiti posmatrača koji imaju pravo prisustvovati glasanju i brojanju glasova.

Posmatrača ne mogu biti kandidati za članove savjeta.

Predlagači mogu dostavljati prijedloge za posmatrača u periodu od sedam dana, računajući od desetog pa do trećeg dana prije održavanja izbora za savjete.

VIII – Glasanje i glasačko mjesto

Član 13.

Glasački listići su štampani na listovima papira A4 formata i ovjereni pečatom Gradskog vijeća. Prijedlozi kandidata na glasačkim listićima poredani su po redosljedu kojim su utvrđeni na konačnoj kandidatskoj listi.

Član 14.

Odbori preuzimaju glasačke listiće dan uoči održavanja izbora zajedno sa obrascima za provođenje izbora (zapisnik i izvještaj) u prostorijama Služba nadležne za poslove mjesnih zajednica. Glasački materijal se predaje zapisnički.

Član 15.

Predsjednik ili član odbora kojeg on odredi utvrđuje prvo da li je građanin – birač upisan u izvod iz CBS za tu MZ, a na osnovu identifikacijskog dokumenta sa slikom (lična karta, pasoš, vozačka dozvola), te mu izdaje glasački listić. Prilikom preuzimanja glasačkog listića, građani se potpisuju na izvod pored svoga imena.

U prostoriji u kojoj se glasa mora biti istaknuta konačna lista kandidata, na mjestu na kome je vidljiva glasačima.

Glasanje se vrši zaokruživanjem rednog broja ispred imena jednog ili više kandidata.

Član 16.

Predsjednik odbora ili član koga on zaduži dužan je upoznati glasače sa načinom glasanja.

Predsjednik odbora održava red i može udaljiti iz prostorije u kojoj se glasa svako lice koje narušava red. Ukoliko ne može uspostaviti red ni uz pomoć ostalih članova odbora, može zatražiti pomoć policije.

Član 17.

Prije početka glasanja predsjednik odbora, u prisustvu svih članova odbora prisutnima pokazuje praznu glasačku kutiju i pečati je.

U zapisniku o radu odbora upisuje se podatak o broju birača iz Izvoda iz CBS i broj primljenih glasačkih listića.

IX – Brojanje glasova

Član 18.

Nakon završetka glasanja, zatvara se prostorija u kojoj se glasalo i odbor prvo broji neiskorištene i upropaštene listiće, upisuje njihov broj u zapisnik i stavlja ih u koverte koje zapečati (zalijepi).

U zapisnik se upisuje ukupan broj glasača – broj potpisa iz izvoda.

Nakon otvaranja glasačke kutije broje se svi listići i njihov broj se upisuje u zapisnik.

Član 19.

Glasački listići iz kutije se razvrstavaju na važeće i nevažeće.

Nevažeći listić je onaj glasački listić iz koga se ne može utvrditi kako je glasač glasao, na kome su dopisana imena kandidata ili oznake, odnosno listić koji je potpisan.

Nakon odvajanja važećih listića, pristupa se utvrđivanju broja glasova za svakog kandidata pojedinačno.

X – Objavljivanje i potvrđivanje rezultata izbora

Član 20.

Nakon završenog brojanja glasova, odbor objavljuje izvještaj o rezultatima glasanja na oglasnoj ploči MZ.

Za članove savjeta izabrani su oni kandidati koji su dobili najveći broj glasova do broja članova savjeta koji se biraju.

Član 21.

Ukoliko rezultati glasanja ne osiguraju zastupljenost mjesnih područja kao i odgovarajuću nacionalnu i spolnu zastupljenost, u sastav savjeta će biti izabrani oni kandidati koji obezbjeđuju navedenu zastupljenost.

Član 22.

Ukoliko dva kandidata imaju isti broj glasova prednost ima kandidat sa manjim rednim brojem na listi.

Član 23.

U slučaju da za pojedine mjesne zajednice ne budu podneseni prijedlozi za članove savjeta, tako da se ne mogu održati izbori, Gradonačelnik će imenovati povjerenika.

Ukoliko na izborima za članove Savjeta mjesnih zajednica, nije prisutan potreban broj građana (jedna desetina građana upisanih u CBS) izbori za Savjete mjesnih zajednica neće se ponavljati i u tim slučajevima će se imenovati povjerenik rješenjem Gradonačelnika.

Član 24.

Sredstva za provođenje izbora obezbjeđena su u budžetu Grada Zenice.

Član 25.

Ova odluka stupa na snagu danom donošenja, a objavit će se u "Službenim novinama Grada Zenice".

Broj:01-45_____/25
Zenica,____2025. godine

**PREDSJEDAVAJUĆA
GRADSKOG VIJEĆA**

Snježana Vrhovac

DOSTAVLJENO:

- 1 x Gradonačelnik
- 1 x Služba za vodoprivredu, putnu infrastrukturu i mjesne zajednice
- 1 x Stručna služba Gradskog vijeća
- 1 x Službene novine Grada Zenica
- 1 x a/a

O B R A Z L O Ž E N J E

I Pravni osnov

Pravni osnov za donošenje ove odluke sadržan je u odredbama sljedećeg propisa:
-člana 68. Statuta Grada Zenice („Službene novine Grada Zenice“ br. 5/15 – u daljem tekstu Statut) koji imeđu ostalog propisuje način izbora savjeta mjesnih zajednica.

II Razlozi donošenja

Predhodni Izbori za članove savjeta mjesnih zajednica na području Grada Zenice, održani su u periodu od 01.11. do 24.11.2021. godine u 74 mjesne zajednice, a članovi savjeta u ovim mjesnim zajednicama birani su tajnim glasanjem na mandat od četiri godine.

Donošenje ove odluke sadržano je u sljedećim razlozima:

- 1.) Članovi savjeta mjesnih zajednica birani su na mandat od 4 godine, na period od 2021.-2025. godine.
- 2.) Odluku o raspisivanju izbora sa utvrđenim terminima održavanja izbora po mjesnim zajednicama koje će odrediti Komisija za provođenje izbora za savjete mjesnih zajednica u Gradu Zenica potrebno je dostaviti Centralnoj izornoj komisiji BiH radi izrade i dostavljanja izvoda iz Centralnog biračkog spiska za svaku mjesnu zajednicu pojedinačno.
- 3.) Procedura provođenja izbora traje duži vremenski period i ista obuhvata sljedeće aktivnosti:
 - tehničke pripreme: izradu obrazaca o načinu predlaganja kandidata, izjave o prihvatanju kandidature, obavijesti o dostavljanju spiska posmatrača, provjere kandidatskih lista i lista posmatrača, obavijest o vremenu i mjestu održavanja izbora, utvrđivanje kandidatskih lista, izrada glasačkih listića za svaku MZ pojedinačno, pribavljanje biračkih spiskova, izrada zapisnika za tajno glasanje, obezbjeđenje kabina, glasačkih kutija, formiranje odbora za provođenje izbora, obuka odbora i druge tehničke pripreme,
 - po donošenju Odluke o raspisivanju izbora za savjete mjesnih zajednica u roku od 10 dana građani (pojedinačno ili grupno), organi političkih stranaka, druge organizacije i udruženja koja djeluju na području mjesne zajednice mogu podnositi prijedloge za članove savjeta, a 10 dana prije termina održavanja izbora objavljuje se utvrđena kandidatska lista,
 - razmatranje eventualnih prigovora na procedure izbora,
 - nakon utvrđivanja rezultata glasanja, a prije utvrđivanja prijedloga Odluke o potvrđivanju rezultata izbora za svaku mjesnu zajednicu, mora se uzeti u obzir i korektivni kriteriji utvrđeni Statutom i to nacionalna zastupljenost na osnovu popisa stanovništva iz 2013. godine, teritorijalna i spolna zastupljenost.

III Finansijska sredstava

Za provođenje ove odluke potrebna su finansijska sredstva i ista su obezbeđenja u budžetu Grada Zenica.

GRADONAČELNIK
Fuad Kasumović